

新淦縣志卷之五

武備志

兵制 衛保甲附

古者寓兵於農俾民習於戰守後世兵農雖分然亦交相為用必軍政有其資斯戎行整以暇淦濱大河陸稱孔道進退出入利用禦寇

國朝守土官弁遵照增定整飭營伍條規簡練兵伍衛國衛民長治久安之道具見於此因編兵制

漢

新淦縣志

卷五武備志

兵制

一

新淦為豫章都尉治置都尉每屬國一人比二千石丞一人淦當嶺越之衝佐尉典兵禁備盜賊

梁

大同八年進霸先位相國總百揆封十郡為陳公備九錫之禮策曰王師討虜次屆淦波兵乏兼儲士有饑色公回麾彭蠡積穀巴邛億庾之詠斯豐壺漿之甞是眾故使三軍勇銳百戰無前承此兵糧遂殄凶逆

按巴邛新淦故地分隸峽江

南唐



蕭灘鎮巡使吳鸞請建縣議曰蕭灘之地當南粵虔吉  
袁洪之衝舟車輻輳有庾廩兵戈之積

按蕭灘鎮新淦舊治改隸清江

宋

熙寧間立臨江水軍及水運軍建炎間立臨江三砦

元

元貞元年陞縣爲州新淦中州管軍五百之上達魯花  
赤一員千戶一員副千戶一員

按達魯花赤 欽定國語解作達嚕噶齊詳云猶頭

新淦縣志

卷五武備志

兵制

二

目也

宋元以來設水陸養土軍一百四十名杯山養土軍一  
百名

明

設守禦千戶所於臨江府繼改置千戶所於吉州時具  
勢殊事變無常本兵旣弱而機兵之議起編僉之法十  
年一更共計機總一千四百名嘉靖五年分置峽江縣  
割去機兵六百名實存八百名分爲十六總每名工食  
銀七兩二錢後裁民兵九十六名四十一年因寇亂設



分守道駐劄本府內揀精兵二百五十二名赴道操練  
每名工食銀八兩九錢又裁常兵一百六十八名縣存  
機兵二百八十四名守禦差練每名工食銀八兩九錢  
四十四年編僉機兵七百名精兵二百五十二名赴府  
團操每名工食銀八兩九錢明末設隊長三名團練兵  
一百二十五名內哨長一名教師二名守城精兵一百  
四十名分爲四隊隊長四人專委佐貳一員操練崇禎  
十一年因流寇克斥袁州用兵郡兵悉赴援調郡城空  
虛部檄各縣召募土著義兵二百名分左右二哨每哨

新淦縣志

卷五武備志

兵制

三

哨官員一教師隊長二名什長十名外總塘報四名

明制民兵項下額編銀三千九百八十三兩七錢七分

二釐七毫

週罰銀二百四兩七錢七分七厘

解司充餉銀一千二十四兩七錢七分二釐七毫

以後如奉

文添設江防哨船水手工食請詳於內支給不必另派崇禎五年撫

批允於內動支二百零四兩九錢

入分支給本縣存留精兵七十四名工食湊足八兩九錢

解府留備軍餉兵六十六名

每名銀七兩六錢

共銀五百一兩

六錢

隊長三名

每名工食銀九兩六錢

共銀二十八兩八錢

週罰每名加銀八錢



按季  
支給

團操精兵一百二十五名內哨長一名教師二名每名

銀九兩精兵一百二十二名每名工食銀共銀一千一

一百十四兩六錢遇閏哨長教師每名加銀八錢精兵

支給

民快二百七名內撥跟布政司堂上二名本縣防守差

各上食銀七兩二錢 崇禎五年撫院魏 於解司克

餉銀內 精兵工食八兩九錢餘民快一百三十五名

每名工食銀 共銀一千二百二十兩四錢 遇閏精兵每

新淦縣志

卷五武備志

丘制

四

十四兩四錢實存  
前數按季支給

應捕兵府四名縣九名共一十三名每名工食銀共九

十三兩六錢遇閏每名加銀六錢原編一十六名銀一

二十一兩六錢實存  
前數按季支給

國朝

城守兵一百名每年支給工食銀七百二十兩

額設外委一員字識一名差操兵丁四十名弓箭兵丁

二十名鳥鎗兵丁二十名

一弓箭項下



原領鐵花盔甲一副係外委把總披戴

鐵盔素甲二十副  
號帽二十頂

號褂二十件

各兵自備腰刀四十二口  
戰箭六百七十枝

自備把箭二百七十三枝  
撒袋箭二十一副

角弓二十一張  
號袍二十一件

鷓鞋四十二雙  
套褲二十一雙

半接衫二十一件

一鳥鎗項下

新淦縣志

卷五武備志

兵制

五

原領鐵盔綿甲二十一副  
鳥鎗二十一杆

號帽二十一頂  
號褂二十一件

各兵自備腰刀四十二口  
九龍袋二十一個

鷓鞋四十二雙  
號袍二十一件

套褲二十一雙  
半接衫二十一件

搭包四十二個

河塘七  
石口塘  
灘頭塘  
河埠塘  
界埠塘

泥江塘  
車頭塘  
燕子洲塘

陸塘一  
大坑塘



塘房七棟 牌坊七座 墩臺七座 柵欄七圍  
旗杆七根 瞭樓七座 哨船六隻 榔鑼旗炮俱同  
一奉頒存貯原領

上諭書四十一本

儀注二本

四書講義八本

膽黃二道

齋戒牌二面

增定整飭營伍規條一本

清漢對音字式一本

行軍紀律書四十本

新增行軍紀律書四本

部頒隆字二百二十一號鈐記一顆

新淦縣志

卷五武備志

兵制

六

杯山司巡檢司一員弓兵二十名

杯山去淦六十餘里地界豐城樂安兩縣之交有麻嶺  
有豐樂橋地僻人稀易於藏盜因置巡司衙門以資防  
禦今廢

軍役

明初原額本縣各衛軍士共八千三百一十八戶分置  
峽江縣割去三千九百一十一戶遠年事故丁盡戶存  
戶絕二千八百三十三戶嘉靖十五年實在一千五百  
九十四戶 嘉靖四十四年查役戶存一千一百零五



名戶絕一千九百一十五名見在一千三百八十七名  
仍舊志所載以備查考

京師錦衣衛三十五名 金吾前衛二名 羽林左衛

一名 虎賁左衛一名 虎賁右衛三名 濟州衛一

名 燕山衛一名 通州衛六名 武驤衛一名 武

驤左衛二名 武功中衛四名 彭城衛一百一十七

名 府軍衛四十七名 府軍後衛三十四名 畱守

衛八名 畱守左衛四名 畱守後衛四名 畱守中

衛四名 長淮衛一名 騰驤左衛一名 武德衛一

新淦縣志

卷五武備志

兵制

七

名 武清衛一名 鄭府儀衛司一名 長陵衛一名

寬河守禦千戶所一名 豹韜衛一十九名 神策衛

八名 大寧中衛四名 南京錦衣衛二名 畱守左

二衛名 畱守後衛四名 府軍後衛三十四名 府

軍衛一十名 豹韜衛一十四名 廣洋衛一十名

牧馬千戶所三名 神策衛二名 虎賁右衛一名

羽林左衛一名 龍江左衛一名 江陰衛一名 龍

江衛一名 膺陽衛一名 水軍衛二名

直隸神武中衛三名 新安衛二名 金山衛三名



大倉衛一名 徐州衛九名 密雲後衛六名 涿鹿  
衛一名 通州左衛四名 大河衛九名 天津衛二  
名 蘇州衛一百一十一名 揚州衛通州守禦千戶  
所一百一十三名 淮安衛七名 和州衛一名 揚  
州衛泰州守禦千戶所三名 淮遠衛十名 揚州衛  
鹽城守禦千戶所二名 淮安衛東海州中千戶所一  
名 壽州衛三名 盧龍衛十名 山海衛三名 撫  
寧衛六名 興州右屯衛二名 興州中屯衛一名  
大原左衛一名 興州後屯衛二名 開平中屯衛一

新淦縣志

卷五武備志

兵制

八

名 隆慶右衛一名 隆慶衛二名 德州左衛二名  
遼東瀋陽中衛十七名 金州衛十九名 蓋州衛十  
五名 鐵嶺衛十四名 三萬衛九名 海州衛二名  
義州衛六名 復州衛四名 定遼前衛四名 定遼  
左衛四名 定遼中衛二名 定遼衛二名 廣寧左  
屯衛二名 廣寧中屯衛四名 廣寧衛三名 東寧  
衛三名 苑馬寺二名 東海右衛一名 定遼後衛  
七名 遼海衛五名 廣寧前屯衛三名 廣寧右屯  
衛三名 寧遼衛一名



山東登州衛四名 兗州護衛三名 會州衛一名  
城山衛一名 威海衛三名 清州衛一名 靖海衛  
三名 海陽守禦千戶所一名 安東屯衛五名  
陝西涼昌衛五名 甘州前衛一名 甘州左衛二名  
甘州後衛八名 甘州衛二名 肅州衛三名 山丹  
衛十二名 莊浪衛五名 寧夏衛十名 寧夏中衛  
一名 沈州衛一名 西安左衛五名 西安前衛二  
名 寧夏左屯衛一名 臨洮衛一名 鎮守禦千  
戶所一名

新淦縣志

卷五 武備志

兵制

九

浙江杭州衛六名 杭州前衛十七名 杭州右衛六  
十六名 海寧衛五名 定海衛一名 寧波衛二名  
中都長淮衛一名 營州前屯衛五名 營州後屯衛  
四名 營州右屯衛四名 營州中屯衛二名  
河南淮慶衛八十一名 穎上守禦千戶所一名 洛  
陽中護衛二名 宏農衛十二名 陳州衛四名 寧  
番衛三名 會州衛二名  
廣西奉議衛二十八名 奉議衛向武軍民千戶所一  
名 南丹衛十三名 慶遠衛七名 桂林衛一名



柳州武宣守禦千戶所一名 南寧衛一名 尋州衛  
一名 懷集守禦千戶所一名 廣西護衛一名  
雲南大理衛一名 洱海衛二名 金齒衛二名 楚  
雄衛四名 回靖衛二名 景東衛四名 臨安衛三  
名 六涼衛一名 雲南右衛一名  
貴州普袁衛十六名 貴州衛四名 安莊衛二名  
典田衛三名 清平衛二名 永寧衛五名 都勻衛  
二名 普定衛二名  
江西南昌衛一百名 會昌守禦千戶所十六名 袁

新淦縣志

卷五武備志

兵制

十

州衛二名

廣東潮州衛三名 海南衛一名 神寧衛新會守禦  
千戶所一名

湖廣武昌中護衛

鎮遠衛一名 茶陵衛郴州

守禦千戶所一

五開衛十名 蘄州衛一名 寧

遠桃川守禦

所一名 寧遠衛二名 瞿塘衛三

名 荊州右衛三名 承天衛一名 陸安衛三名

靖安衛五名

銅鼓衛十名 襄府羣牧千戶所一名

崇府羣牧千戶所一名

吉府儀衛司二名 吉府羣



牧千戶所二名 荊州羣牧千戶所一名 徽府長史  
司三名

山西大同左衛一名 大同中屯衛一名 大同中護  
衛一名 萬全都司懷來衛四十一名 開平衛五名  
保安衛八名

各衛正散軍戶

管轄正運漕船及分歸南昌前後二衛兼轄領運漕  
船并幫貼散軍

南昌前軍

新淦縣志

卷五武備志

兵制

十一

散軍

羅敬現在幫貼鄒還仔船

呂來生現在幫貼喻乞住船

鄒真保現在幫貼鍾試富船

李壯俚現在幫貼南前撥入安福所鄭大受船

聶福現在幫貼海鐵俚船

曾始仔現在幫貼毛廣興錢祖庄船

劉韜現在幫貼南前撥入袁州衛胡天林船

聶春生現在幫貼南前撥入安福所徐士奇船



曾奉占現在幫貼南前撥入安福所鄔大興船

南昌後衛

正軍

曾大生漕船一隻僉選造運正副旗丁二名南後撥入  
廣信幫楊開俚原與瑞州府高安縣旗丁王伏仔朋名  
王楊同公共漕船一隻輪流造運各承十進僉選造運  
正副丁旗二名

朱受生原係九江府瑞昌縣旗丁阮得招為散軍嗣因  
散頂正運現在其船一隻舡名阮得招兩戶分承造運

新淦縣志

卷五武備志

兵制

十二

輪流承值僉選造運正副旗丁二名

聶鐵生現在幫貼南後撥入廣信幫旗丁程惟善船

朱烈生現在幫貼南後撥入廣信所能伏興船

楊生俚現在幫貼徐詹一船

黃羣現在幫貼蔣向船

鄧奴仔現在幫貼南後撥入廣信所劉興張船

保甲

明

明制各鄉村並隨民居多少十里立甲長一名五十家



立保甲一名百家立團長一名或二名有警互相救援  
嘉靖辛酉廣寇入境江撫行文令民居五百家立保甲  
長一人一保甲長統五村一村長統十隣長一隣長統  
十家大小相維有保障功

明隆慶兵制保甲議

按臨郡惟清淦峽居江藩中土爲舟車往來四達之地  
昔周瑜出備畱鎮黃法軫頓兵於淦以拒敵豈晏然無  
事境哉明初設千戶所守之所廢乃議設民兵時寧士  
鮮談武兵亦苟且徒操尺箠而已正德初華林賊入城

新淦縣志

卷五武備志

保甲附

十三

白晝磔人於市未聞有斷賊一指者此我與賊不敵之  
明驗也嘉靖辛酉夏倭寇毒閩廣惡少乘時煽亂流劫  
郡邑臨之樟樹永泰殘掠尤甚六月迫淦城邑尹樂舜  
賓集鄉紳蕭克良等共謀請兵拒之毒矢中賊首乃退  
七月寇峽之何君里僉事盧岐嶷親督土客兵戰敗之  
九月復寇清江之洋湖盧又督土客兵敗之盧之兩捷  
也郡守謝鵬舉權宜策應厥功亦多及己巳夏郡藏失  
守捷如脫兔數月江上邏卒得之訊曰廣西遊手取驗  
藏金猶存夫遠近生熟之故固不足言至於來莫捍去



莫追兵將謂何吁此臨兵之當議詎可視爲緩圖哉邇被創懲皆咎民兵甚怯乃關白著令抽銳汰羸分屯列隊時而訓之增布郡邑上下策應居守行邏水陸備戒遠邇鉅細無偏而不舉之虞矣若夫鄉兵之議則無出保甲一法徹邑通都保甲法行強宗富室或時借助里閭齊氓里閭有急強宗富室亦救其危凡水火盜賊有可響應而援者將見行之一歲不敵自盟官兵足於官民有警官兵起而翼之鄉兵足於鄉官有警鄉兵爭而捍之此所謂役力在同心剔讐在懷德也蓋盜猶潦水

新淦縣志

卷五武備志

保甲附

十四

突盈突涸非有可憑之象要在抉隱清源詳求善治斯爲保障茲土之良規歟

又按兵防之窳莫淦爲甚萬厯己酉丙辰天啟乙丑崇禎己巳寇四面梯城焚劫斬關如入無人之境來莫格鬪去罕追擒迨事後警覆車顧破甑則搔驛株連重爲四方之戚雖嘗勒限嚴比立賞捕寇卒未有罪人斯得者緣淦城濱河無高墉深濠扼內地之險要鮮裏街突巷羈奸人之衝馳其守宿民兵積驕習玩聞寇至則惴惴色變卽強奮執器械亦頑敝不堪禦侮蓋備數媮壘



其所由來者漸矣近今河寇跳梁所在告警除挹秀迎春二門距隔百餘步聲勢相援差易策應若賓陽迄朝天澄江抵阜民向明諸門堞堞稍遠又逼近河澚爲賊板梯間道防衛尤宜加嚴夫柝鈴夜警巡檄宵嚴亦巡衛城邑之常策巡守官兵之常職而以責之淦兵甚難矣雖然有要於此發邇及遠殲寇莫防者無如弩箭火銃鍊之平日發之臨時寇寧則豫寇至則挺連貫破的爭先響應可不勞而斃寇於原是誠挽弱爲強之術乎防伏戎者先震鄰獲墉隼者預藏器其在今日所當亟

新淦縣志

卷九武備志

保甲附

十五

圖也

國朝

保甲之設尤爲法良意美督撫大臣疊檄各縣查核康熙八年邑令董謙吉於各鄉之中分立八社十煙一甲十甲一保十保一社酌形定制稽察維嚴

嘉慶十八年十月二十五日內閣奉

上諭葉紹榘奏陳直省保甲事宜並將伊父原任湖南布政使葉佩蓀從前酌定條規繕錄進呈着將葉紹榘備進刊本發給直省督撫各一冊令該督撫翻刻刷印通飭所



屬各州縣一體仿照辦理由司會議詳奪各按地方情形通盤籌畫計發保甲事宜二本一存官門牌式樣一張刊發

一繕造法

一牌冊式

一循環法

一稽查法

一禁奸法

一勸善法

省會城市大郡大邑大鎮五方雜處之地人衆事繁不能門牌及換冊之法各分段落選曉事總甲各給總冊一本令其就所分段落內某街某巷共若干戶挨次開載亦每年一次攜冊到官抽查

新淦縣志

卷五武備志

保甲附

十六

保甲之行往往道府衙門責令造送花名清冊致州縣視爲畏途書吏借以科派今只令各州縣自造循環冊二本門牌一張其餘衙門概不用造冊申送惟於辦竣後將通邑若干里編成幾甲其冊若干本存縣之處據實詳稟本管道府或將原冊弔查或於巡歷之便親加抽對虛實總可立見

同治五年五月邑令劉士清奉

憲諭編查煙戶保甲

同治十年八月邑令徐道昌奉

憲諭再行編查煙戶

保甲



同治十一年三月邑令王肇賜嚴查保甲

新金縣志

卷五武備志

保甲附

十七



新淦縣志卷之五

武備志

武事

天生五材民並用之淦當閩粵之衝豪傑割據而爭者史不絕書

聖人作觀廓清草竊銷鑄劍戟轅童壤叟莫不抃舞乎康衢

諷歌乎

盛世矣因編武事

漢

新淦縣志

卷五武備志

武事

元鼎六年冬漢破番禺樓船將軍楊僕上書願請引兵擊東粵上以士卒勞倦不許罷兵令諸校畱屯豫章梅嶺待命

漢書閩粵王傳

元鼎五年秋主爵都尉楊僕為樓船將軍出豫章下橫

浦

漢書南粵王傳

三國

建安四年江表傳曰時丹陽僮芝自署廬陵太守策畱賁弟輔領兵住南昌策謂賁曰兄今據豫章是扼僮芝咽喉而守其門戶矣但當伺其形便因令國儀杖兵而



進使公瑾為作勢援一舉可守也後賁聞芝病即如策計周瑜到巴邛輔遂得進據廬陵

吳志

建安四年策欲取荊州以瑜為中護軍領江夏太守從攻皖拔之復進潯陽破劉勲討江夏還定豫章廬陵留

鎮巴邛

吳志周瑜傳

松之案孫策於時始得豫章廬陵尙未能得定江夏

瑜之所鎮應在今巴邛縣也與後所平巴邛不同

黃武五年權攻石陽奐以地主使所部將軍鮮於丹帥五千人先斷淮道自帥吳碩張梁五千人為軍前鋒降

新淦縣志 卷五武備志

武事

二

高城得三將大軍引還權詔使在前任駕過其軍見奐軍陣整齊權嘆曰初吾憂其遲鈍今治軍諸將少能及者吾無憂矣拜揚威將軍封沙羨侯

吳志

寶鼎二年春大赦右丞相萬彧上鎮巴邛

吳志

梁

壬戌大同八年春正月安城郡民劉敬躬挾左道以反內史蕭說委郡東奔敬躬據郡進攻廬陵取豫章妖黨逆至數萬前逼新淦柴桑二月戊戌江州刺史湘東王繹遣中兵曹子郢討之三月戊辰大破之擒敬躬送京



師斬於建康市

梁書本紀

大同八年安成人劉敬躬挾妖道聚黨攻郡內史蕭說棄城走賊轉寇南康廬陵屠破縣邑有衆數萬人進寇豫章新淦縣南中久不習兵草吏民拒擾奔散或勸縮宜避其鋒縮修城隍設戰備募召勇敢得萬餘人刺史湘東王遣司馬王僧辯帥兵討賊受縮節度旬月間賊

黨悉平

梁書張縮傳

大清二年秋八月鄱陽王範密啟侯景謀反不報冬十月侯景襲譙州執刺史豐城侯泰

範之子

十一月江州刺

新淦縣志

卷五武備志

武事

三

史當陽公大心入援西豐公大春新淦公大成入援敗績侯景擒大春十二月衡州刺史韋粲至廬陵舉兵入

援

豫章書

大寶二年正月新吳余孝頌舉兵拒侯景景遣于慶攻之不克六月孝頌遣兄子僧重將兵救鄱陽于慶走還豫章復走江州據郭默城王僧辯乘勝下湓城陳霸先帥所部三萬人將會之屯於巴邛西軍乏食霸先有糧五十萬石分三十萬石以資之八月僧辯前軍襲于慶

慶棄郭默城走

豫章書



太平二年蕭勃舉兵反遣僞帥歐陽頎傅泰勃從子孜  
爲前軍南江州刺史余孝頌以兵會之詔平西將軍周  
文育平南將軍侯安都等率衆軍南討戊子徐度至合  
肥燒齊船三千艘癸巳周文育軍於巴山生獲歐陽頎  
三月庚子文育前軍丁法洪於塘口生俘傅泰蕭孜余  
孝頌軍退走梁書紀

陳

天嘉元年九月癸丑彗星見周將獨孤盛領水軍將趨  
巴湘與賀若敦水陸俱進大尉侯瑱自潯陽往禦之辛

新淦縣志

卷五武備志

武事

四

酉遣徐度率衆會瑱於巴邛十月侯瑱襲破獨孤盛於

楊葉洲盡獲其船艦

陳書紀

李遷仕之據大臯高祖命文育擊之又遣杜僧明來援  
別將破遷仕水軍遷仕衆潰不敢過大臯直走新淦陳

書周文育傳

蕭勃舉兵踰嶺詔文育督衆軍討之時新吳洞主余孝  
頌舉兵應勃遣其弟孝勸守郡城自出豫章據石頭勃  
使其子孜將兵與孝頌相會又遣其別將歐陽頎頓軍  
苦竹灘傅泰據塘口城以拒官軍官軍船少孝頌有舩



艦三百艘艦百餘乘在上牢文育遣軍王焦僧度羊爽  
潛軍襲之悉取而歸仍於豫章立柵時官軍食盡欲退  
還文育不許乃使人間行遺周迪書約爲兄弟并陳利  
害迪得書甚喜許饋糧餉於是文育分遣老小乘故船  
舫沿流俱下燒豫章所立柵僞退孝頌望之大喜因不  
設備文育由間道信宿達芊韶芊韶上流則歐陽頎蕭  
勃下流則傅泰余孝頌文育據其中間築城饗士賊徒  
大駭歐陽頎乃退入泥溪作城自守文育遣揚威將軍  
周鐵武與長史陸山才襲頎擒之於是盛陳兵甲與頎

新淦縣志

卷五武備志

武事

五

乘舟而宴以巡傳奉城下因攻泰尅之

陳書周文育傳

黃法氈字仲昭巴山新建人也少勁捷有膽力步行日

三百里爲鄉閭所憚侯景之亂於鄉里合徒衆太守賀

詡下江州法氈監知郡事陳武帝將踰嶺入援建業李

遷仕作梗中途武帝命周文育屯西昌法氈遣兵助文

育時法氈出頓新淦縣景遣行臺于慶來襲新淦法氈

拒戰敗之太平元年割江西四郡

豫章

安城

巴山

置高州以法氈爲高州刺史鎮巴山蕭勃遣歐陽頎來攻法氈

破之

陳書黃法氈傳



侯景之亂高祖克元景仲仍渡嶺援臺平蔡路養李遷  
仕穎皆有功歷平固遂興二縣令高祖進軍頓西昌以  
穎爲巴邛縣令鎮大臯督糧運下至豫章以穎監豫章

郡陳書胡穎傳

周敷字仲遠臨川人高祖受禪王琳據有上流余孝頌  
與琳黨李希欽南史作孝等共圍周迪敷大致人馬以助於  
迪迪擒孝頌等敷功居多熊曇朗之殺周文育據豫章  
將兵萬餘人襲敷徑至城下敷與戰大敗之追奔五十  
餘里曇朗單馬獲免盡收其軍實曇朗走巴山郡收合

新淦縣志

卷五武備志

武事

十六

餘黨敷因與周迪黃法氈等進兵圍曇朗屠之陳書周敷傳

永定三年王琳遣將曹慶攻周迪敗之文育退據金口  
曇朗因其失利殺文育而并其衆周敷擊破之曇朗單

騎奔巴山綱目

熊曇朗南昌人侯景之亂聚少年據豐城縣爲柵架黠  
劫盜多附之梁元帝以爲巴山太守及侯瑱鎮豫章曇  
朗外示服從陰欲圖瑱侯方見之反鎮也曇朗爲之謀  
主瑱敗曇朗獲瑱馬仗子女甚多及蕭勃踰嶺歐陽頎



爲前軍曇朗給頽共往巴山襲黃法氈又報法氈其期  
破頽約曰事捷與我馬仗及出軍與頽犄角而進又給  
頽曰余孝頽欲相掩襲須分畱奇兵甲仗旣少恐不能  
濟頽乃送甲三百領助之及至城下將戰曇朗僞北法  
氈乘之頽失援狼狽退衄曇朗取其馬仗而歸時巴山  
陳定亦擁兵入寨曇朗僞以妻子定子謂定曰周迪余  
孝頽不願此婚須以疆兵來迎定乃遣精甲三百并土  
豪二十人往迎旣至曇朗執之收其馬仗並論價責贖

陳書熊曇朗傳

新淦縣志

卷五武備志

武事

七

周文育攻余孝勸於豫章曇朗出軍會之文育失利曇  
朗乃害文育以應王琳盡執文育所部諸將據新淦縣  
帶江爲城王琳東下世祖徵南川兵江州刺史周迪高  
州刺史黃法氈欲泐流應赴曇朗乃據城列艦斷遏迺  
等與法氈因帥南中兵築城圍之絕其與琳信使及王  
琳敗走曇朗黨援離心迪攻陷其城虜其男女萬餘口  
曇朗走入村中村民斬之傳首京師

陳書熊曇朗傳

隋

平陳之役以舟師自蘄水趨九江晉王已平丹陽世積



移書告諭陳江州司馬黃偃棄城遁世積至廬陵太守  
蕭廉巴山太守王誦並詣世積降

隋書王世積傳

唐

懿宗時鍾傳起豫章以其相彭玕為吉州刺史楊行密  
下南昌玕不從密攻之逆戰象牙潭不利乃立寨於淦

卽楓岡寨與道士姓劉者助守拒密道士死玕亦敗

五代

十二月虔州刺史盧光稠有疾以位傳譚全播全播不  
受光稠卒其子延昌來奔喪全播立而事之王遣使拜

新淦縣志

卷五武備志

武事

八

延昌虔州刺史延昌受之復因楚通梁曰我受淮南官  
以緩其謀耳終當為朝廷經畧江西梁以延昌為鎮南  
畱後是冬淮南節度判官嚴可求請置制置使於新淦  
縣遣兵戍之以圖虔州每更番輒潛益其兵虔人不覺  
也

十國春秋

宋

淳化間時沿江多賊命督江南水運因捕寇盜行及臨  
江軍擇驍卒拏輕舟夜伺其出沒獲賊百餘悉梟其首

宋史楊允恭傳



余鄉新修寺古伏魔寺也舊邊大江今移置山中岳忠武王飛曾駐兵馬留詩壁間云云

浣水續談

元

至正壬辰十二年紅巾賊陷臨江戍卒劉天祐會淦義民鄒民用樹柵於淦以拒之

十九年六月新淦寇鄧克明擒殺劉世英據崇仁樂安

安仁人王溥據金谿友諒以克明為右丞據撫州

元撫州志

二十一年十一月偽漢右丞鄧克明遣其員外羅天錫

以分省印及撫州建昌臨江汀州四路南豐寧都富州

新淦縣志

卷五 藝文

武事

九

三州樂安臨川等十八縣印詣鄧愈降愈留克明於軍

中令其弟志明還新淦收其部曲克明請往九江謁見

愈以兵送之中途逃歸新淦明年於龍興城下被執

豫

章草

二十二年正月太祖幸南昌胡廷瑞率祝宗康泰等迎

謁以鄧愈為江西行省鎮南昌二月太祖率胡廷瑞等

還建康祝宗康泰行至女兒港遂叛道掠布商船為旗

反兵劫南昌知府葉琛迎戰死之鄧愈倉卒以數十騎

出走數與賊遇愈窘甚連跳跨三馬馬輒踏幾不免最



後得養子所乘馬走還建康徐達聞變旋師赴之宗至  
新淦爲鄧志明所殺泰走廣信以廷瑞甥特宥之南昌  
復定 明史紀事

二十四年二月熊天瑞尙據贛州八月命常遇春鄧愈  
率兵討之愈與遇春合兵平臨江之沙坑麻嶺牛陂諸

寨執僞知州鄧志明送建康及其兄克明俱伏誅 明史紀事

都督朱文正遣叅政何文輝指揮薛顯討新淦鄧仲濂

薛顯傳斬之 大志  
作作謙

文輝以天寧翼元帥守寧國進江西行省叅政數攻江

新淦縣志

卷五武備志

武事

西未下州縣討新淦鄧仲濂斬之援安福走饒鼎臣平

山尖寨從徐達取淮東復從下平江 明史何文輝傳

明

宣德九年陳本深擢知吉安府與况鍾等同受勅十年

三月樂安大盜曾子良據大盤山衆萬餘本深設伏破

之斬子良 陳本深傳

正德六年夏四月贛賊陷新淦執叅政趙士贇命左都

御史陳金總制江西軍務率兵討之 明書本紀

六年九月廣東福州流賊三千餘人入永豐縣知縣朱



連逃去遂破樂安新淦知縣申惠等被執都御史陳金  
調兩廣土兵分道勦捕

大志

正德壬申土寇倡亂邑東南數十里悉爲巢穴邑侯劉  
天錫奏請大兵討平之

甲戌九年擊臨川賊斬其魁遣叅將李隆擊新淦賊賊  
踞萬山中僭稱王者八年隆等深入悉就擒俘斬千七  
百餘人錄功進諫右都御史巡撫如故

俞諫傳

正德十四年六月命勘福建叛軍行至豐城而寧王宸  
濠反知縣顧泌以告守仁急趨吉安與伍文定徵調兵

新淦縣志

卷五武備志

武事

十一

食治器械舟楫傳檄暴宸濠罪俾守令各率吏士勤王  
兵會於樟樹鎮知府臨江戴德儒袁州徐連贛州邢珣  
等知縣新淦李美泰和李揖萬安王冕各以兵來會合  
八萬人號三十萬乙卯遇於黃家渡賊大潰丙辰復戰  
賊復敗退保樵舍聯舟爲方陣盡出金寶犒士明日宸  
濠方晨朝其羣臣官軍奄至以小舟載薪乘風縱火焚  
其副舟妃婁氏以下皆投水死宸濠舟膠淺倉卒易舟  
遁王冕所部兵追執之李士實劉養正及降賊按察使  
楊璋等皆就擒南康九江亦下凡三十五日而賊平

明



萬曆三年夏六月淦賊白晝渡河殺官兵

嘉靖辛酉夏倭寇毒閩廣閩廣惡少乘時煽亂流劫郡邑六月迫淦城邑尹樂舜賓集鄉紳蕭克良等請兵拒之毒矢中賊首賊退

天啟五年乙丑賊越城劫新淦東門當舖斬北關出

崇正二年己巳賊入新淦城劫南門當舖越關出

九年丙子二月十二賊劫新淦廖宅斬秀峯門出

十二年六月新淦大盤山盜熾橫劫鄉村撫院發清淦

新淦縣志

卷五武備志

軍事

十一

峽樂安四邑合兵會勦民告流移

國朝

順治四年五月金聲桓王得仁變亂六月初三東土乘勢揭竿破淦城冬固山譚泰復之

咸豐五年乙卯冬十月髮逆石達開竄入江西界十一月侵瑞州陷臨江使張賊潘賊破新淦以潘賊爲新淦監軍復使他賊破峽江吉水逆遂往攻袁州江西巡撫文檄調副將周鳳山與安肅道劉于濬水陸並進攻破樟樹鎮賊壘毀其浮橋翌日劉于濬欲乘勝搗臨江



李作士劉金碧說以就糧新淦鳳山遂與臨江知府史麟善新淦知縣李作士合兵上攻新淦將至潘賊遁鳳山人城札營北關紳士劉金碧干學松鄧鴻勳鄧恩林李洪緒楊雲笙劉逢春習在廷等接濟軍糧適石逆會合另股粵匪破袁州還臨江聞鳳山勇先使潘賊帶粵匪駐峽江復遣髮匪攻樟樹鎮官軍鳳山分兵援之

六年丙辰春正月初三賊自樟樹鎮上永泰鳳山亦於是日自新淦拔營退至瓦城望見賊衆蠶擁而來鳳山分軍一半由山背繞出賊後鳳山直前分兵繞至合力

新淦縣志

卷五武備志

武事

十三

攻擊殺賊六七百人鳳山仍還樟樹鎮初四日潘賊復入新淦城二月潘賊帶粵匪由新淦出清江之孤山與石逆夾攻官軍鳳山敗走南昌

四月石達開與其黨黃玉崑返金陵使程瀛爲檢點守臨江潘賊仍守新淦

七月劉于濤統領江軍敗程瀛賊隊於中洲復揮軍上攻新淦炮子如雨潘賊遁江軍以無後繼引還南昌潘賊復入城是月程瀛因潘賊不能固守使朱衣點爲新淦監軍賴剝皮助之肆虐愈甚



十月劉于濬復以江軍破新淦朱衣點率伏城外臨江  
援賊突至界埠江軍以臨江未破新淦難守引師還泊  
三湖銅鑼江等處朱賊復入城先是朱賊隨石逆攻破  
袁州常領賊掠萍鄉署萍鄉知縣徐道昌欲請援而南  
昌道梗乃奔長沙謁楚撫軍駱秉章乞師繼之以泣駱  
起叱之道昌跪哭不起駱壯之遂發勁旅數千號援江  
楚軍使候補道劉長佑統之以赴江西時朱賊移守新  
淦聞楚師入援卽增城堞劫糧餉串通各處賊匪

七年丁巳春正月朱賊串通髮逆韋俊由新淦渡河逕

達瑞臨交界地方經劉長佑派候補府蕭啟江都司田  
興恕阨陰岡嶺力戰賊始潰餘賊逃入臨江程瀛與之  
抗拒官軍朱賊仍返新淦爲程瀛後勁

三月劉于濬與程瀛自田港至永泰連戰數日巡撫耆  
麟派候補縣康國器以濟勝軍炮船接戰賊始潰康國  
器遂上界埠與淦城髮匪對岸相拒康軍屢勝

四月劉于濬康國器挖三湖堤濬橫河故道江軍遂與  
援江楚軍會於臨江

閏五月饒廣總團吳嘉賓派都司伍聯奎統建武軍來



攻新淦次於堆背后岡石口等處朱賊出城相抗伍單  
鎗獨進賊輒敗走數日朱賊整隊復出伍約同營王守  
備伏左山葛守備伏右山伍統中隊迎戰囑曰聞炮卽  
起戰時炮響伏起葛守備見濃眉蝟鬚者料爲朱賊葛  
直前朱賊走王守備復前趕至城下爲守堞賊炮所傷  
朱賊走入城二十四日援賊數萬至朱賊暗劫軍糧伍  
軍遂飢適有紳士李洪緒楊道行楊志仁李如學接濟  
軍糧是時羣賊憚伍英勇乃使朱賊誘戰伍策馬進十  
餘里忽有梟賊擁朱截路伍力戰將至塘橋埠馬蹶落

勦下伍揮刃躍勦刃拆用矛矛折奪矛爲賊所刺伍遂  
踣尸猶握拳努目勃勃如生方伍之未敗也劉長佑派  
都司盧正亨帶勇千人扎營水西約與伍聯奎夾攻朱  
賊詎賊以重兵扼河岸盧不得渡而以全力攻殺伍次  
日距岸賊退盧揮軍逕渡賊伏起盧敗退至城頭背山  
面水賊三面圍來盧不能敵呼衆鳧水衆多溺盧亦死  
於水官軍見伍盧皆死淦東聲息不通因札監生李秉  
旭招集江軍淦勇駐搭驪嶺牽掣賊後方是時楚軍由  
大坪進營臨江城南江軍由三湖進泊萬碩州劉于潯



與劉長佑議欲破臨江新淦賊惟聯絡民團扼住界埠以截援賊方可進兵於是扎飭淦西貢生劉金碧三湖生員劉沛蕃招集團練防守贛江劉金碧亦時多擒斬七月現任江西巡撫前候補知府劉坤一時統軍欲進攻臨江慮援賊必由新淦大至以襲其後不若先圖新淦因以勁旅駐紮界埠諭劉金碧劉沛蕃分佈團衆上下數十里以壯聲勢其時援賊石鎮吉數萬麇集新淦與朱賊瞭望水西軍胆落怯遁遂上窳吉水劉撫軍料其上窳必由三曲灘偷渡因分軍拒守界埠自領勁旅

新淦縣志

卷五武備志

武庫

十六

馳行大坪截住賊隊因大戰官軍無不一以當十既而分守界埠之軍馳至王鑫普承堯之軍亦至三面夾擊殺賊盈野餘賊逃至分水坳其地團衆捆賊至營僉供始見楚軍劉字旗旄於淦西乃由三曲灘過河又見楚軍劉字旗旄於大坪未戰先怯因大敗先是劉撫軍之駐紮界埠遠近紳耆隨時接見諭以報國卽以保家無不感恩歡呼有神明父母之頌

十月髮逆石達開復驅數萬衆至新淦欲援臨江時劉于潯康國器統水軍扼守江中陸營官軍團眾整隊江



干石逆望見遂由吉水上窺南安擾湖南寶慶

十一月新淦時爲賊據知縣蔣誠至卽往界埠借民房  
招書役禮紳耆擇其中之公正勤能老誠練達者爲團  
總分領團練以爲官軍向導城內則向派有廖昌齡等  
淦西則貢生劉金碧生員劉沛蕃一都則州同唐步雲  
二都監生陳恒春三都職員鄧洪勳四都監生鄧長祐  
又以二四兩都爲撫建進出門戶則以生員聶寅斗總  
辦兩都團務設卡稽查時拏獲僞檢點楊儀林解省審  
辦又派五都生員李修辭暨各都紳士等均照團地按

新淦縣志

卷五武備志

武事

十七

辨民夫軍糧卽以生員聶寅斗轉運軍糧器械將令分  
佈既定又復剴切諭慰遂變瘡痍爲勁旅後團勇隨官  
軍攻城蔣令率團助之斬獲無算劉金碧之力爲最

八年戊午春正月劉于潯統領江軍駐紮界埠劉撫軍  
帶楚軍駐紮長牌仁和等處以劉金碧團衆爲各軍向  
導會兵進攻開連環鎗炮以攻城又以落地開花大炮  
轟擊城內賊多中死朱衣點賴剝皮恐懼欲遁蔣誠與  
黃德雲探知密稟劉撫軍劉于潯遂於二十七夜使護  
衛軍彰武軍謝德龍與楚軍李明惠鄧在富由長牌仁



和渡河爲南路抄截使平江營元善會合田興奇黃得  
凱由河埠渡河爲北路兜勦又使蔣誠督同劉金碧團  
勇守長江使康國器炮船四面攻城直至五更朱賴二  
賊力不能支卽於天明棄城由東路奔甯江軍追十餘  
里南北兩路官軍並至朱賊賴賊奪路走蘆嶺將至嶺  
下劉于濤帶陸營趕殺無數生擒貳伯餘名僉供朱賴  
二賊已向撫州崇仁一路走去欲扳援賊江軍以水師  
不便陸路飛函楚軍移營進勦二月初三日蕭啟江次  
於上巷初四日劉撫軍次於蘇洋洲兩軍料辦前進初

十日蕭軍渡河直趨七琴十六日劉軍渡河直趨官田  
次日抵澄江知縣蔣城飛飭聶寅斗運糧接濟督團前  
導至中刻壘據探報朱衣點賴剝皮已扳援賊數萬乘  
夜潛來襲營劉撫軍卽密令各營準備以信炮爲號蕭  
啟江卽帶連環炮乘夜拔營由李山坳繞道伏於蘇田  
李明惠帶勇伏於蘇嶺山左鄧在富伏於蘇嶺山右又  
使崔大光由蘇嶺中道衝烽前進遇賊佯退及至蘇嶺  
淦樂交界劉撫軍令開號炮伏兵皆起再開號炮三聲  
伏兵皆至鎗炮齊開刀矛並進朱賴援賊死傷過半檢



獲僞印八十二顆騾馬百餘匹軍裝器械無數時朱賴  
二賊及援賊窳往撫州劉撫軍卽在龔坊欲招集樂安紳士  
樂之龔坊十七日劉撫軍卽在龔坊欲招集樂安紳士  
民人復團助餉卽扎飭聶寅斗辦理務使復團練以壯  
軍威助糧餉以充軍食聶寅斗辦理無誤二十日乃飛  
函劉于潯會兵撫州使蔣誠回淦辦理善後三月初一  
劉于潯扎飭李鏡清帶淦勇與一三都團練分段守城  
又諭劉金碧幫同知縣蔣誠辦善後事宜遂於初十日  
劉于潯統領江軍由新淦繞道南昌望撫州進發

八月初十日官軍攻破吉安賊窳至吉水新淦知縣蔣  
誠聞報卽親督唐步雲一都團衆出防水邊墟探得賊  
向東走蔣誠卽派李鏡清帶淦勇與聶寅斗馳往二四  
都督團禦賊並囑三都團緊防蘆嶺次日賊窳七琴殺  
掠適得團勇追殺乃望樂安遠颺

十一年辛酉春二月賊渠李秀成越江皖過撫州由樟  
樹鎮窳至新淦破城擄劫新淦知縣李輔約會姜國昌  
將攻之賊直上吉水晒三曲灘過贛江繞臨江入瑞州  
至湖北界會合另股髮匪七月挫於官軍賊乃折回衆



數十萬分股再破新淦截江掠舟搜山縛民丁壯婦女  
死者甚衆會提督鮑超大軍追至賊窟浙江自是民始  
安堵如故

新淦縣志

卷五武備志

武事

二十一

